

BOSNA I HERCEGOVINA  
Federacija Bosne i Hercegovine  
TUZLANSKI KANTON  
JP „Međunarodni aerodrom Tuzla“ d.o.o.

Broj: 05/2-45-527-16/25  
G.Dubrave, 10.06.2025. godine

Na osnovu člana 69. stav (1) tačka a) i člana 70. Zakona o javnim nabavkama BiH („Službeni glasnik Bosne i Hercegovine“ broj: 39/14, 59/22 i 50/24), te prijedloga Komisije za provedbu postupka javne nabavke na JP „Međunarodni aerodrom Tuzla“ d.o.o., u ime Uprave Javnog preduzeća Direktor JP „Međunarodni aerodrom Tuzla“ d.o.o., d o n o s i:

## O D L U K U o izboru najpovoljnijeg ponuđača

### I

Ponuda ponuđača **Sarajevo osiguranje d.d.**, za ponuđenu cijenu od **2.150,00 KM bez PDV-a** proglašava se najpovoljnijom, te se imenovanom ponuđaču dodjeljuje **Ugovor o nabavci usluge osiguranja radnika od nesretnog slučaja** na JP „Međunarodni aerodrom Tuzla“ d.o.o.

### II

Ugovorni organ će pozvati izabranog ponuđača radi zaključenja Ugovora kojim će se regulisati međusobna prava i obaveze vezane za predmetnu nabavku shodno zahtjevima-uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

### III

Ugovorni organ će uz ovu odluku obavijestiti sve učesnike postupka nabavke o rezultatima analize pristiglih ponuda u ovom postupku nabavke u skladu sa članom 71. Zakona o javnim nabavkama BiH.

### IV

Ova Odluka stupa na snagu danom donošenja, i objavit će se na web-stranici: [www.tuzla-airport.ba](http://www.tuzla-airport.ba) u skladu sa članom 70. stav (6) Zakona o javnim nabavkama.

## **O b r a z l o ž e n j e**

Odlukom o pokretanju postupka broj: 05/2-45-527/25 od 16.05.2025.godine, pokrenut je postupka javne nabavke koji se odnosi na nabavku usluga osiguranja radnika od nesretnog slučaja i osiguranja od odgovornosti iz djelatnosti za štetu prema trećim licima, ukupne procijenjene vrijednosti 22.000,00 KM bez PDV-a. Predmetni postupak je podijeljen na dva LOT-a i to: LOT 1 koji se odnosi na osiguranje radnika od nesretnog slučaja procijenje vrijednosti 4.000,00 KM bez PDV-a i LOT 2 koji se odnosi na osiguranje od odgovornosti iz djelatnosti za štetu prema trećim licima procijenje vrijednosti 18.000,00 KM bez PDV-a.

Rok za dostavljanje ponuda je bio 02.06.2025. godine do 09:00 sati. Javno otvaranje pristiglih ponuda je izvršeno istog dana u 09:30 sati, a što je konstatovano zapisnicima sa otvaranja ponuda broj: 05/2-45-527-10/25 i broj: 05/2-45-527-11/25. Zapisnici sa otvaranja ponuda su dostavljeni ponuđačima u skladu sa zakonskim i podzakonskim aktima. Kriterij za dodjelu ugovora u ovom postupku javne nabavke je „najniža cijena“.

Nakon izvršenog otvaranja pristiglih ponuda, komisija je dana 03.06.2025. godine pristupila pregledu i ocjeni ponude dostavljene za LOT 1. Prema zapisniku o otvaranju ponuda za LOT 1 broj: 05/2-45-527-10/25, Komisija konstatuje da je za nabavku usluge osiguranja radnika od nesretnog slučaja pristiglo pet ponuda i to ponude ponuđača:

1. **Brčko Gas osiguranje d.d.**, čija ukupna cijena ponude iznosi 2.164,80 KM bez PDV-a
2. **Adriatic osiguranje d.d.**, čija ukupna cijena ponude iznosi 3.936,00 KM bez PDV-a
3. **Sarajevo osiguranje d.d.**, čija ukupna cijena ponude iznosi 3.936,00 KM bez PDV-a
4. **Asa central osiguranje d.d.**, čija ukupna cijena ponude iznosi 3.975,36 KM bez PDV-a
5. **Euroherc osiguranje d.d.**, čija ukupna cijena ponude iznosi 3.073,34 KM bez PDV-a

Uvidom u dostavljene ponude ponuđača utvrđeno je da su iste blagovremene, te da sadrže svu dokumentaciju koju je ugovorni organ zahtijevao tenderskom dokumentacijom. Sve dostavljene ponude ispunjavaju uslove tenderske dokumentacije i kao takve su ocijenjene kao prihvatljive, te da mogu biti predmetom vrednovanja primjenom kriterija „najniža cijena“.

Detaljna analiza dostavljenih ponuda sadržana je u Zapisniku o pregledu i ocjeni ponuda za nabavku usluge osiguranja radnika od nesretnog slučaja (LOT 1) broj: 05/2-45-527-15/54 od 10.06.2025.godine, koji je sastavni dio ove Odluke i koji se u kopiji dostavlja svim ponuđačima.

Obzirom da je tenderskom dokumentacijom bilo predviđeno održavanje e-aukcije, Komisija je zakazala e-aukciju za dan 05.06.2025. godine sa početkom u 13:15 sati.

Nakon završene e-aukcije ponuda ponuđača Sarajevo osiguranje d.d. je ocjenjena kao najpovoljnija.

Temeljem navedenih činjenica Komisija za provođenje predmetnog postupka javne nabavke jednoglasno je konstatovala da postoje uslovi za izbor najpovoljnijeg ponuđača, te je predložila Upravi ugovornog organa da donese Odluku o izboru najpovoljnijeg ponuđača i Ugovor o nabavci usluge osiguranja radnika od nesretnog slučaja dodijeli ponuđaču Sarajevo osiguranje d.d., a čija ponuda je u predmetnom postupku javne nabavke ocjenjena kao najniža na osnovu kriterija za dodjelu ugovora, sve u skladu sa odredbom člana 69. stav (1) tačka a), kao i članom 70. Zakona o javnim nabavkama BiH.

Na osnovu prijedloga Komisije za provođenje predmetnog postupka javne nabavke, donesena je odluka kao u dispozitivu.

**PRAVNA POUKA:** Žalba se može izjaviti u roku od 5 (pet) dana od dana prijema ove Odluke. Žalba se izjavljuje ugovornom organu u pisanoj formi direktno ili preporučeno poštanskom pošiljkom.

Dostavljeno:  
5 x Ponuđaču  
1 x Evidencija  
1 x a/a



DIREKTOR

*Halilčević*  
Dževad Halilčević

